



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000      CENTRALA/FAX: +38735369920

n-dijete@bih.net.ba      www.nasedijete.ba

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14), člana 27. Pravila Javne ustanove za predškolski odgoj i obrazovanje „Naše dijete“ Tuzla, a na prijedlog Komisije za javne nabavke, direktor Ustanove donio je sljedeću

## ODLUKU

### o izboru najpovoljnijeg ponuđača

#### I

Kao najpovoljniji ponuđač u postupku nabavke svježeg voća i povrća za potrebe JU „Naše dijete“ Tuzla, provedenog putem konkurentskog zahtjeva za dostavljanje ponuda, izabran je privredni subjekat „Bosna-kom“ d.o.o. Gračanica.

#### II

Zadužuje se stručni saradnik za poslove javnih nabavki da obavijesti ponuđača o izboru najpovoljnijeg ponuđača iz člana I ove odluke.

#### III

Zadužuje se Služba za pravne, kadrovske i opće poslove da pripremi sve predušlove za zaključenje okvirnog sporazuma sa izabranim ponuđačem po proteku predviđenih zakonskih rokova i procedura.

#### IV

Vrijednost ove nabavke iznosi 39.950,00 KM bez PDV-a i ista se uklapa u procijenjenu vrijednost nabavke iz Plana nabavki za 2021. godinu br. 04-11-767-1/2021.

#### V

Odluka stupa na snagu po konačnosti, a dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama i biće objavljena na internet stranici JU „Naše dijete“ Tuzla u skladu sa članom 70. stav (6) Zakona o javnim nabavkama BiH („Sl. glasnik BiH“, broj: 39/14).

## OBRAZLOŽENJE

Na osnovu Zahtjeva za pokretanje postupka javne nabavke br. 01-11-1884-1/2021, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-11-1884-2/2021 od 01.06.2021. godine. Postupak je objavljen na Portalu javnih nabavki BiH broj obavještenja 1194-7-1-50-3-14/21 od 01.06.2021. godine, a poziv za preuzimanje tenderske dokumentacije sa Portala je upućen privrednim subjektima: „Monopson“ d.o.o. Gračanica, OZ „BIOS“ Visoko i „Redex“ d.o.o. Banovići, dok je predmetnu tendersku dokumentaciju u sistemu „E-nabavke“ preuzelo 11 (jedanaest) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. 01-11-258-1/2021 od 22.01.2021. god. je izvršila otvaranje, pregled i ocjenu pristiglih ponuda i utvrdila sljedeće:

- blagovremeno je ponudu predalo 5 ponuđača: „Bosna-kom“ d.o.o. Gračanica, „Lala i Laćo“ d.o.o. Bijeljina, OZ „BIOS“ Visoko i „Monopson“ d.o.o. Gračanica;
- nije bilo neblagovremenih ponuda;
- ponuda ponuđača DOO „Monopson“ Gračanica je ocijenjena neprihvatljivom jer ista nije bila uvezana na odgovarajući način. U tački 4.1. tenderske dokumentacije je navedeno kako ponuda mora



**JAVNA USTANOVA ZA PREDŠKOLSKI ODGOJ I OBRAZOVANJE**  
**„NAŠE DIJETE“ TUZLA**  
**KREČANSKA BROJ 3, 75000 TUZLA**  
**ID BROJ: 4209046740000    CENTRALA/FAX: +38735369920**  
**n-dijete@bih.net.ba    www.nasedijete.ba**

da bude uvezana, a s obzirom da ponuda navedenog ponuđača nije bila uvezana na odgovarajući način niti osigurana jamstvenikom, ponuđač DOO „Monopson“ Gračanica je propustio da ispuni traženi zahtjev. Nadalje, navedeni ponuđač nije numerisao ponudu na način tražen tačkom 4.1. tenderske dokumentacije. S obzirom da ponuda navedenog ponuđača nije bila uvezana na odgovarajući način niti osigurana jamstvenikom, niti numerisana, ista je ocijenjena neprihvatljivom i odbačena u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“, broj 39/14).

- ponuda ponuđača „Robot general trading Co“ d.o.o. je ocijenjena neprihvatljivom jer navedeni ponuđač u svojoj ponudi nije dostavio odgovarajuće potvrde o uredno izvršenim ugovorima u smislu dokazivanja ispunjavanja uslova iz člana 48. i člana 49. Zakona o javnim nabavkama BiH („Službeni glasnik BiH“ br. 39/14). U tački 3.3.2. tenderske dokumentacije je navedeno da je ponuđač, u cilju dokazivanja uslova iz tačke 3.3.1. pod a) tenderske dokumentacije, dužan dostaviti spisak izvršenih ugovora koji su u vezi s predmetnom nabavkom za period ne duži od 3 (tri) godine a čija ukupna vrijednost odgovara minimalno procijenjenoj vrijednosti nabavke. Uz spisak je potrebno priložiti i minimalno 2 potvrde o uredno izvršenim ugovorima koje ponuđaču izdaje druga ugovorna strana o njihovoj realizaciji. Ponuđač je u ponudi na str. 55 dostavio Potvrdu bez broja od 21.04.2020. godine izdatu od strane Međunarodne organizacije za migracije kojom se potvrđuje: “da je kompanija „Robot general trading Co“ d.o.o., kvalitetno i u skladu sa definiranim ugovornim obavezama uspješno realizovala, po osnovu više ugovora sve obaveze u prethodne tri godine u minimalnoj vrijednosti od cca. 1.000.000,00 KM“. S obzirom da se iz navedene potvrde ne može tačno zaključiti da li se realizovani ugovori mogu dovesti u vezu s predmetnom nabavkom i u kojoj vrijednosti, a uzimajući u obzir činjenicu da je navedeni ponuđač na str. 52-55 svoje ponude dostavio korespondenciju s osobama iz Međunarodne organizacije za migracije u kojoj navodi da zbog proceduralnih razloga nije uspio do datuma otvaranja ponuda dobiti odgovarajuću potvrdu, Ugovorni organ je, u cilju pojašnjenja navedene situacije, takođe kontaktirao osobe iz navedene Organizacije. Dana 15.06.2021. godine je Međunarodna organizacija za migracije dostavila Potvrdu bez broja od 08.06.2021. godine. S obzirom da je nova potvrda identična potvrdi od 21.04.2021. godine, a da je u tački 3.3.2. a) tenderske dokumentacije navedeno šta tačno potvrde o uredno izvršenim ugovorima moraju sadržavati, zaključeno je da u Potvrdi nije jasno definisan predmet ugovora kao i vrijednost istih koji se odnose na nabavku voća i povrća. U tački 3.3.2. a) tenderske dokumentacije je navedeno da je ponuđač obavezan dostaviti spisak izvršenih ugovora, koji su u vezi s predmetnom nabavkom za period ne duži od 3 (tri) godine a čija ukupna vrijednost (zbir svih ugovora) odgovara minimalno procijenjenoj vrijednosti nabavke, a iz navedene Potvrde se ne može zaključiti kolika vrijednost se odnosi na nabavku voća i povrća, tako da je ponuđač propustio da dokaže i ovaj traženi uslov. Zbog svega navedenog, zaključeno je da dostavljena potvrda Međunarodne organizacije za migracije ne može biti dokaz u cilju ispunjavanja uslova iz tačke 3.3.2. pod a) tenderske dokumentacije i zbog toga je ponuda ovog ponuđača ocijenjena neprihvatljivom i odbačena u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“, broj 39/14).

- ponude ostalih ponuđača ispunjavaju sve uslove tražene tenderskom dokumentacijom i iste su ocijenjene prihvatljivim;

- u tenderskoj dokumentaciji je predviđeno provođenje e-aukcije, a planirana e-aukcija za ponuđače koji su ispunili sve tražene uslove zakazana je za dan 17.06.2021. godine. E-aukcija je započela u 12:30 i trajala do 12:48 sati. Aktivno učešće u e-aukciji su uzeli svi privredni subjekti, a nakon završene e-aukcije ostvaren je poredak kako slijedi:

REDNI BROJ	NAZIV PONUĐAČA	UKUPAN IZNOS PONUDE BEZ PDV-a PRIJE E-AUKCIJE	IZNOS PONUDE BEZ PDV-a POSLIJE PROVEDENE E-AUKCIJE	KONAČNA RANG LISTA PONUĐA
---------------	----------------	---	--	---------------------------------



JAVNA USTANOVA ZA PREDŠKOLSKI ODGOJ I OBRAZOVANJE  
„NAŠE DIJETE“ TUZLA  
KREČANSKA BROJ 3, 75000 TUZLA  
ID BROJ: 4209046740000    CENTRALA/FAX: +38735369920  
n-dijete@bih.net.ba    www.nasedijete.ba

1.	„Bosna-kom“ d.o.o. Gračanica	41.499,00 KM	39.950,00 KM	1
2.	„OZ „BIOS“ Visoko	42.382,50 KM	40.000,50 KM	2
3.	d.o.o. „Lala i Lačo“ Bijeljina	41.475,52 KM	40.958,52 KM	3

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu pristiglih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. Shodno tome, ugovorni organ je konstatovao da najpovoljniji ponuđač ispunjava uslove i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.

**Pouka o pravnom lijeku:**

Protiv ove Odluke može se uložiti žalba Uredu za razmatranje žalbi putem ugovornog organa, u roku od 5 dana od dana prijema i ista se podnosi pismeno putem pošte, mailom ili direktno na protokol Ustanove u objektu „Pčelica“ u Tuzli, ul. Krečanska 3. Ponuđač je dužan dostaviti žalbu u dovoljnom broju primjerka.

**DOSTAVLJENO:**

1. Ponuđaču x 5
2. Spis
3. A/a

DIREKTOR  
*[Signature]*  
/ Karić Sanja, dipl. iur. /

Broj: 01-11-1884-10/2021  
Tuzla, 18.06.2021. godine